

جریدہ علمیہ

مشیتِ جلیلہ اسلامیہ مکہ جریدہ رسمہ سید

جمادی الاولیٰ ۱۳۳۳

عدد : ۱۶

آیہ بر نشر النور

ایکمبئی سنہ

فتاویٰ شریفہ

نکاح :

ہند بالغہ ولی اقرب باباسی زیدک اذتنسز نفسی کفوی اولیان عمروہ تزویج ایدوب
لکن ہندک عمرودن ولدی اولماسہ زید راضی اولیوب ہندی عمرودن حاکمہ تفریق
ایتدیر مکہ قادر اولورمی الجواب : اولور .

* *

زید زوجہ مدخول بہاسی ہندی تطلیق ایلسہ ہندک عدتی منقضیہ اولدین زید
ہندک قز قونداشی زینبی تزویج ایتمک جائز اولورمی الجواب : اولماز .

* *

مہر :

زید ہندی برمعین ملک منزلیہ باغچہ سی وشوقدر اشیاء معینہ سی مہر معجل اولوق
اوزرہ تزویج ایتدکدن صکرہ زید فوت اولسہ ہند اول منزل و باغچہ و اشیائی آلمغہ
قادرہ اولورمی الجواب : اولور .

* *

طلاق :

زید زوجہ سی ہندی باینا تطلق ایدوب بعدہ تجدید نکاح ایتدکن صکرہ زید
ہندی تکرار باینا تطلق ایدوب بعدہ تجدید نکاح ایتدکن صکرہ زید ہندی ینہ تطلق
ایلسہ زید ہندی بلاحلہ تزوجہ قادر اولورمی الجواب : اولماز .

*
**

زید زوجہ مدخول بہاسی ہندی ایکی دفعہ طلاق رجعی ایلہ تطلق و ہر دفعہ دہ
عدتی ایچندہ مراجعت ایتدکن صکرہ ینہ تطلق ایلسہ حالا زید ہندی بلاحلہ تزوجہ
قادر اولورمی الجواب : اولماز .

*
**

زید خستہ اولوب عقلی بالکلیہ زائل ایکن زوجہ سی ہندی تطلق ایلسہ طلاق
واقع اولورمی الجواب : اولماز .

*
**

زید زوجہ سی ہند حرمی اصلاً تطلق ایتماشیکن ایکی طلاق باین ایلہ تطلق ایلسہ
زید ہندی رضاسیلہ بلاحلہ تزوجہ قادر اولورمی الجواب : اولور .

*
**

زید حال رضادہ زوجہ سی ہندہ «سندہ علاقہ میوقدر» دیوب لکن طلاق نیت ایلماسہ
بویلہ دیمککہ ہند بوش اولورمی الجواب : اولماز .

*
**

حضانہ :

ہند زوجی زید متوفادن اولان صغیر اوغلی عمروی بحق الحضانہ امساک اوزرہ ایکن
عمرویدی یاشنی تکمیل ایدوب استغنا حاصل اولسہ صغیرک باباسنک باباسی بکر عمروی
ہنددن آلفہ قادر اولورمی الجواب : اولور .

*
**

ہند زوج مطلق زید معسر دن اولوب حضانہ سندہ اولان صغیر اوغلی عمروک مالی
اولماغلہ زیددن نفقہ واجرت طلب ایدوب بسلامک استدکدہ زیدک اناسی زینب موسرہ

«بن صغيرى بلاجر بسليوب هنددن منع ايتتم» ديسه حاكم هنده بلاجر امساك ايله ياخود زينبه ويرديمكه قادر اولورمى الجواب : اولور .

*
**

هند زوج مطلقى زيددن اولان صغير اوغلى عمروى بحق الحضانة امساك اوزره ايكن عمرو يدى ياشنى تكميل ايدوب استغنا حاصل اولسه زيد عمروى هنددن آلمغه قادر اولورمى الجواب : اولور .

*
**

هند زوج مطلقى زيددن اولان صغير اوغلى عمروى بحق الحضانة امساك اوزره ايكن عمرو يدى ياشنى تكميل ايدوب استغنا حاصل اولمغه زيد عمروى هنددن آلوب كندى بلده سنه كوتورمك مراد ايله هند زيدى منع قادره اولورمى الجواب : اولور .

*
**

هند زوج مطلقى زيددن اولان صغير اوغلى عمروى بحق الحضانة امساك اوزره ايكن نفسى صغيره اجنبى به تزويج ايدوب صغيرك اناسنك اناسى زينب ايله باباسنك اناسى خديجه موجوده اولسه صغيرك حق حضانه سى خديجه نك اوليوب زينبك اولورمى الجواب : اولور .

*
**

نفقة :

زوجى اوليان هند فقير نك لاب ار قرنداشى زيد موسردن غيرى كمسه سى اولماسه هندك نفقه سى زيد اوزرپنه لازمه اولورمى الجواب : اولور .
بوصورتنده زيد هندى بن اطعام ايلرم و كندوسنه مستقلاً بشقه جه برشى ويرمام ديسه زيدك بوكلامى ملفت ايله اولورمى الجواب : اولور .

*
**

زيد صغير فقيرك موسرلر اولان لاب ار قرنداشى عمرو ايله لايون عمى بگردن غيرى كمسه سى اولماسه زيدك نفقه سى بكر اوزرينه لازمه اوليوب يالكز عمرو اوزرينه لازمه اولورمى الجواب : اولور .

*
**

طلبة علوم شرعية نك صلاحا وارباب استعدادندن اولوب تحصيل علوم نافعويه اشتغالی
سبيله كسیدن عاجز اولان زید کیر فقیرك نفقه سی باباسی عمر و موسر اوزرینه لازمه اولورمی
الجواب : اولور .

•

وصیت :

زید جمله مالی قرنداشی اوغلی اولوب وارثی اولیان عمروه وصیت ایتدکدنصره
زید مصرأ فوت اولوب ترکه سی ورثه سی قبض ایدوب وصیتی مجیز اولماسه لر عمرو ترکه نك
ثلثی ورثه دن آلمغه قادر ولورمی الجواب : اولور .

•

• •

زید جمله املاکنی برجهته وصیت ایدوب بعده مصرأ بلا وارث فوت اولسه امین
بیت المال املاک مزبوریه مداخله یه قادر اولورمی الجواب : اولماز .

•

• •

وقف :

بروقفك مستغلاتی تعمیره محتاج اولوب لكن وقفه مساعده اولوب رقبه یه احتیاجی
یوغيکن متولی مرتزقه نك وظیفه لرینی رقبه ایتکه قادر اولورمی الجواب : اولماز .

•

• •

غله سی واقفك اولاد ذکورنه مشروطه وقفك غله سنده واقفك اولاد ذکورنه اولاد
اناثی مشارکته قادره اولورلری الجواب : اولمازلر .

•

• •

بروقفك وقفه سی ضایعه اولوب لكن غله سی قدیمدن برجهته صرف اولنه کلیشکن
حالا متولی وضع قدیمی تغیر ایدوب غله مزبوریه یی جهت اخرایه صرفه قادر اولورمی
الجواب : اولماز .

•

• •

بروقفدن جزء خوانلق خدمتی مقابله سنده وظیفه یه متصرف اولان کسینه لر برمدت
اداء خدمت ایدوب بعده مستحق اولدقلری وظیفه لرینی متولی یدنده اولان مدت مزبوریه
غله سندن المقتدر ککرنده متولی بغیر وجه ویرماده قادر اولورمی الجواب : اولماز .

•

• •

بربلدهده واقع جامعده امام و خطیب اولان زید فوت اولوب اول بلده قاضیسی
امامت و خطابتی عمروه توجیه و عرض ایدوب عمرو برات ایتدیرنجه بر مدت امامت
و خطابت خدمتی ادا ایدوب وظیفه سنی متولیدن آلمش اولسه حالا متولی عمرودن
وظیفه نی برات ایتدرمدین الدک دیو استرداده قادر اولورمی الجواب : اولماز .

*
**

هیه :

زید ملک منزلی اولنجیه قدر کندویی بسلمک اوزره هیه و تسلیم ایدوب بعده
هند فوت اولوب ورثه سنی ترک ایله زید منزل مزبوروی ورثه دن آلمغه قادر اولورمی
الجواب : اولور .

*
**

هند صحتده ملک منزلی اوغلی زیدکییره هیه و تسلیم ایتدکدنصکره زیدفوت اولمغه
هند نادمه اولوب هیه سندن رجوعه قادره اولورمی الجواب : اولماز .

*
**

شرکت :

زید و عمرو بکر ایله عقد شرکت عنان ایتدکلرندنصکره زید و عمرو مال شرکت
ایلله عمل ایدوب حاصله اولان فائده دن شرطلری اوزره بکره حصه سنی و یروب بعده
زید و عمرو بکره بزنسکله شرکتی فسخ ایتدک دیوب بعده زید و عمرو مال شرکت ایلله
تکرار عمل ایتدکلرنده شو قدر فائده حاصل اولسه مزبورلر بکره رأس مالی ضامن
اولوب فائده نک جمله سنی المغه قادر اولورلرمی الجواب : اولورلر .

*
**

دعوی :

زید عمروی عامه دعاویدن ابرا ایتدکدنصکره زیدفوت اولسه ورثه سی عمروک یدنده
اولان اشیا و عقارات ایچون ابراء مذکوردن مقدم زیدک ملکی اولوب ارثاً بزه انتقال
ایلدی دیو عمرودن دعوی ایلسلر مسموعه اولورمی الجواب : اولماز .

*
**

هند زوجی زید ایلله مهری اوزرینه خلع اولوب حقوق زوجیه متعلقه دعاواسندن
زیدی ابرا ایتدکدنصکره هند زیددن برسمور کورکمی غصباً اخذ ایتمشیدک دیو دعوی

ایتدکده زید مجرد حقوق زوجیه متعلقه دعوا دن ابرا ایتمکه بود دعوا دن دخی بری اولمش
اولورم دیو هندی دفعه قادر اولورمی الجواب : اوللار .

*
**

مرور زمان :

زید فوت اولوب اوغللری عمرو و بکر ایله قزی هندی ترك ایتدکده جمله ترکیبی
عمرو و بکر قبض ایدوب هند حصه سنی المیوب قرق سنه مرور ایلسه حالا هند حصه سنی
مزبورلردن طلب ایتدکده مزبورلر معترفلر ایکن مجرد قرق سنه مرور ایتمکه حق
ساقط اولمش اولور دیو ویرمامکه قادر اولورلرمی الجواب : اوللارلر .

*
**

مفقود :

زید مفقود اولدقده حاکم زیدک حالی متین اولنجیه دیک مالی حفظ ایچون قرنداشی
عمروی قیم نصب ایدوب زیدک مالی عمروه حفظ ایتدیرمکه قادر اولورمی الجواب :
اولور .

*
**

شی :


زید غیر مسلم عمرو رئیس مسلمه شوقدر و قیه خمری سفینه ک یله فلان محله کوتور سکا
شوقدر اچیه ویرهیم دیمکه عمرو دخی اول خمری سفینه سنه قویوب اول محله کوتور
دکدنصره اجر مسای زیددن آله ول اجرت عمروه طیب اولورمی الجواب : اولور .

*
**

زید عمرو ذمتده قرضدن اولان شوقدر اچیه حقنی المین زید فوت اولوب ورته سی
مبلغ مزبوری برسنه تمامه دیک تأجیل ایلسه لر ورته قبل حلول الاجل مبلغ مزبوری
عمرودن آلفه قادر اولورلرمی الجواب : اولورلر .

*
**

اری قواننده مجتمع اولان عمل اخراج مراد اولند قده قوانده اولان آرولر قتل اولنماقجه تماماً اخراج اولنموب اول حالده آرولر طشره چقارلسه اذیتی محقق اولمغه آرو قوانلری اتخاذ ایدن کمنه لر عملی چقارمغه مباشرت ایتدکلرند قوانلرک اغزلری قادیوب تقلیب ایتمکه آرولر عمل ایچنده هلاک اولسه لر اول کمنه لر آثم اولورلری الجواب : اولمازلر.



قوانین و تقاضات

« محاکم شرعیه ده اجرای وکالت ایده یله جکر حقنده قانون »

(جریده رسمیة محکومت اولان تقویم وقایع ایله نشر واعلانی : ۲۰ ربیع الآخر ۱۳۳۳ ۲۲ شباط ۱۳۳۰ نومروه ۲۱۰۴)

ماده : ۱ محاکم شرعیه ده اجرای وکالت مدرسه القضاة ویا دارالفنون عثمانی حقوق شعبه سی مآذونلریله لا اقل بش سه مدت بالفعل قاضیلکده ویا مفتیلکده بولنوب اهلیت وکفایت مجربهلریله حسن خدمتلیرینه بناءً یدلرینه مقام مشیختدن وثیقه مآذونیت اعطاسی تنسیب اولتان ذواته منحصردر . انجق دارالفنون حقوق شعبه سنجه علی الاصول امتحانی اجرا ایدیلرک دعوی وکالتی شهادتنامه سنی حائر وبالفعل ایفای وکالتله مشغول اولانلر مدرسه القضاة درس بروغرامندن قوانینه عائد دروس مستثنا اولمق اوزره دیکر درسلردن مدرسه مذکورده معلملرندن مقام مشیختجه انتخاب اولنه جق ذواتدن مرکب هیئت حضورنده بالامتحان اثبات اهلیت ایتدکلری تقدیرده اجرای وکالت ایده یلورلر . اشبو اهلیتی حائر اولیانلر محاکم شرعیه ده اجرای وکالتدن ممنوعدر شو قدرکه اهلیت مشروحه یی حائر اولانلردن ولایت مرکز لرنده یدی لوا مرکز لرنده بش قضا مرکز لرنده اوج ذات بولنمدینی ویا دعوانک وکالت ایده جک کیمسه لرک زوجه لری ایله اولادینه ویا اصلاً و صهراً آبا واجداد وامهات وجدات وبونلرک اولادلرینه تعلقی حالده ممنوعیت واقعه مرتفعدر .

ماده : ۲ اشبو قانون تاریخ نشرندن اعتباراً معتبردر .